


Jo. Peugnkagn.
(Bücherverk)

(s. 2.) 1524.

Jg.
3088



Rechnung d. Büchereien



**zwas vnd zve
liches die sunt sey in de**


heyiligen geist davon Sanct Ma-
theus am .12. cap: redt die nit
vergebenn wirt Joannis
Peügnhagn Pfarers
zu Wittenberg



Auch wie man die psalmen lesen soll
vnd mues ein vnderichtung/
Verbum domini manet Ineternum.

DI D. XXiiij.





Unio.itäts-
Bibliothek
halle

Q 2,4663



Leonardus Eleutherobius Teutsch

er Schulmeister zu Lintz wünscht vnd begert allen geistlichen
wie mans nent zu Lintz Mönchen vnd Pfaffen/ auch
andern Schwestern vnd Brüdern Hayl Fride
Barmhertzigkeit vnd die Erkenntnis Ihesu
Christi in dem herren **A M E N**

Wie got der allmechtig in den Propheten Amos .8. durch den
heiligen geist warhafftig verkündigt vñ entlich vorweiss gesagt
hat/ vñ dem hunger des wort gottes/ das sich dan warlich yetz
ain lange zeit herumb verlossen vnd die prophezei sich on allen
zweyfel hierauff gestreckt vnd deut hat. vnd Aber nun vnns got
widerumb ansicht mit den augen seiner götlichen Barmhertzi-
keit vnd hat vns armen hüntle die prössen widerum von seinem
kostreichen mall zuegesagt gewert vnd schmecken lassen/ dem in
Ewigkeit lob vnd preis vnd danck gesagt sey/ Tu sein etlich vñ
der vill zuvor welche sich vnderwinden die gemain zeregieren die
also in dem hunger erstickt vnd verhertett sein/ die kurtzumb dise
safftige profamln ja das himelprot selbs nit schmeckē noch essen/
sonder vil lieber in dem hungerigen wesen beleyßen vngeschmag
vnd vngesalzen ding darfür fressen vñ halt kurtzumb inen selbs
nit helffen/ noch helffen lassen wollen/ Aber warlich d Prophet
sagt nit von ainem zeitlichem hunger sonder vñ ainem hunger
d seel/ nemlich dz wort gottes/ warlich welcher von disem hun-
ger stirbt/ vnd nit mit dem prot darin der mensch lebt geholffen
wirt der stirbt ewig/ Ach hierauff sollen die pauch diener geden-
cken dauon paulus sagt/ die solche speis allain von wegen ires
gots des pauchs ausschlagen/ wie sich dā ainer herumt hat auff
ain zeit er wisset die warhait vñ dz wort gottes so wol zu predigē
vnd verkündigen Als Kayner aufgenommen/ Aber wo wolt er vñ
sein here die pfünd oder narung füran haben Ich bit euch durch
gotres willen/ ist diser ein christ oder ketzer/ ich will kainen genent
haben Petrus hat den herrn verlaugent auß vorch der pen vnd
nach dē jmb's gott het weis gesagt muess es geschehen/ so verleis

gent diser gottes (dann das wort gottes ist ye gott selbs) von der
pauchful wegen ja vnd es gereut inen halt nit / vrsach er hat nie
pues than / noch sich bekert wie Petrus / Gott geb sich inen zuer-
kennen wünsch ich von hertzen / vñ was vermayt jr wie yetz got
geschent vnd gelestert verlaugent vnd verhönt wirt in aller welt
vast / wir wellen ye kurtz mit gesehenden augen plint / vñ mit plin-
ten augen gesehendt sein / wie es den von miltenberg ist gangen /
gib ich yederman zuerwegen / mir erparnt mit allain das volck
daselbs / sonder Auch dz wort gottes dz es daselbs also / von de-
nen die sich damit neren vñ tag vñ nacht damit sollen umbgen /
soll gleich Alls für ein vnnütz ding geacht werden gott thue inen
ire hertz auff / Vñnd damit jr nit maint es sey ein schlecht gering
vnd nit hoch ding vmb das wort gottes / das doch got selbs ist /
noch sein etlich plinten fürer so verplent vñ stockplint die schreyen
vnd plerren auff der Cantzel Marie die gewenedeit mueter gottes
sey mer / als das wort gottes / doch man mues an vnser frawen
tage solch ding zusagen haben / damit die stund der predig erfüllt
werde / dan man studirt nit gern / vnd eben die vnser frawen also
herfür putzen vnd schir ein Abgötin aus ir machen sein ir höchst
shender / So wert ir hörn wo ewer predig hin triff / vñ was dz
für ein stundt ist der offentlich zu dem Euangelium vnd paulum
darff sagen / du leügst / dā was ist anders : die weil yetz also alle
ding genugsam durch die heilig geschriff probirt vñ bestett wirt
vñnd sy mit ein puech staben darin verletzten können / nichts we-
niger sprechens es sey Ketzerey / ihene probierns alles auß der hey-
ligen geschriff vnd sy durch Aristotelem vnd mit dem Maister
mit den vil sinnen / darumb hüet euch bey leyß / die warheit die ist
klar vnd liechter yetz dan die Son am tag ist / vnder zutrucken
vnd mit vill geschray bey dem ainseltigen volck zu dempffen / dā
es ist die sundt in den heyligen geist dauon Cristus sagt Mat. 12.
die weder hie noch dort vergeben wirt / dauon liß das hernach
uolgent puechlen / ains wolgelerten mans zu Wittenberg dz ich
dan auffss ainsaltigist / souil in meinem vermügen gewest verteu-
tscht / vnd euch hiemit zuegesennde hab / zu hilff vnd fürderung
vnser Christlichen gelaubens vnd des wort gottes / damit sich

Einer furan aufredt aynicherlay weis / d wil bey des Babst pot
 ihener bey d Kirchen gesetz beleiben / huet euch / jr versürt euch selbs
 es ist nit damit ausgericht es kört mer darzue / es sen auch nit chri
 stliche wort / wir müessen bey gottes Worten vnd gepoten peleybē
 An welchem zuhangen / mir vñ euch helff der ewig got. Nembe
 also mit disem ver guet / vñ was dz haus (wies sprichwort laut)
 gehalten mag. Datū Lintz am Sontag Quasimodogeniti
 Anno 26. im Sierundzwainzigistem Jare

Sudemleser

Welcher du das list Siech vleyssig pit ich dich Wie vorches
 sam vnd erschrockenlich ich geschriben hab / weil ich die dasigen
 gericht gottes an sich vnd pit gott den Aller güetigisten vater / dz
 er vñ bald von allem irsal erledig / Auff das die erleuchtung der
 Ere der herligkeit des Euangeliums des sun gottes in vnserm
 hertzen erschein vnd auffgee / Amen. Ich kan dich da nichts ver
 gwissen / Nichts oder vrtails due dyweil / was vñ welcherlay es
 sey / Doch so ist villeicht das du lernst vnd dich erfrewest.

Dem furnemen Herrn Doctori Joan

ni Suanenio Vicario der gemain zu Caminensen seynem
 Erwürdigen herrn wünscht Joannes Peügnhagen
 AlBeg

Das Ewig haill in Cristo Jesu / Geleertister herr Doctor / ich
 het vrsach genueg dir öffter zu schreiben das du mich zu einer zeit
 mit solcher guet willigkeit zu hawß auffgenommen hast / Das ich
 nit allain wirt bezwungen der guetthat mir d selben zeit von dir
 geschehen / sonder auch das mir vil Ere von denen so es bewist
 gewesen mir von dir Ersamen man solch ere zuegemessen bewis
 sen ist worden / Aber dein erwid hat mich pißher abgeschreckt /
 In welchem ich bekē mein Cristlich amt oder souil mir gepürt
 hette nit volbracht haben / Der gleichen hat mich abgewent der
 gewalt der prelaten diser zeit (wie mans nent) d ein grosser tayl
 auch dem Euangelio widerstet / das dan offenwarer ist / dan dz
 gelawgent möcht werden / Ich wolt das sich die vnsern / den ich

A iij

mit Archs gan enthielten mit Allain von wegen der menschen/
sonder vnd am maysten Cristi des richters / d es künfftig nit vn-
gestrafft wirt lassen sein Euangelium mit seinem pluet vñ tode
pestett vnd bekreffigt / also gepfrenge vñ vndergedruckt zu wer-
den dz aber nit vndergetruckt wirt / sonder teglich aus der verfol-
gung zuemimbt in dem herren / Dan also hats Cristus das Euan-
gelium zuwachsen bezugt / so es der eintrang d widerwertigen
wirt gedult die Ewig warhait mag nit zu lügen werden / vorzeyt
ten haben wir solchs in den Marteren gesehen / vñ yezunt wider-
umb (got hab lob) in denn marteren / das ist in den zeugen cristi
werden sehen / Lieber herr Doctor ich straff auch alhie mein selbs
schuld dan wiewol ich hab nit mügen glauben / das du inn irer
zall seist / Als ich dan noch nit glaub ich main die andern prelatē
zu Pomern das dan in ainer handlung (ainstails auß der neu-
hait der sach vñ zum tail auß ainem freuel das ist / mit aus wolbe-
dachten rat / peschehen oder gemacht sein / ich werd dā betrogen)
Aber wie kann ich nit mich was fürchten vñnd verdencen oder
argwonen: Doch dein / ja vnser Petrus / hat mich yetz newlich
aller sorg des argwoons frey gemacht / der dan mit mir so offte vñ
deinem Cristlichen gemuet redt / so ich schreib würd ich fur ain
zueschmaychler geacht / der ich doch vor allen dingen nit wer-
in welchem mir ain wunderlich ding in das gemuet gefaln das
ich dir mündlich freyer sagen wil / ain man der schir sein lebenlāg
sich alls ich hör / in dem menschlichen rechten het verwickelt zw
desselben leben außgang / so gar zu d thür des todts / so christlich
von christo gehalten hab / Selig ist der dem ein solich volkum-
menegenad widerfert / Deshalben wiewil hastu christo dē behal-
ter zu dancken / der bis auff die zeit / in welcher das Euangelium
die warhait vnd die gnad wider herfur kumbt dein Elter hat ver-
lengt / Du wais wol das es derselben erpermliche eigenschafft ist
welche aus dem schein der Euangelischen sonnen verplent werd
vnd erfrewen sich mer zu widersprechen ja auch Christum lügen
zestraffen dann zu dem hayl zuglauben / So sy es aber vnwissent
thū (wie wol ich nit wais / wie sy die selforger vñ beschützer des
Christlichen glauben geüden vñnd berümen von der vnwissen:

hait mügen entschuldigt vñ aufgeredt werden) sy mügen noch
 so sy wider keren oder pues würchen gnad vnd ablosung verhof-
 fen vnd man mag für sy pettē mit dē worten Cristi vñ Steffani
 Vater vbersich oder vergiß inen dann sy wissen nit was sy thun/
 Auß welcher zall sich Paulus schreibt/ vorzeiten ein hartter ver-
 folger der Christen gewesen sein / bald ein was der eruelung oder
 ein auß erwelt werck zeüg worden von got / in welchem der nomen
 Cristi jesu für König Hayden vñ kinder von israël getragen ward /
 als die histori der Appostlin geschicht auß weist / dan also spricht
 er Timo. 1. der ich zuvor war ain lesterer vnd ain verfolger vñnd
 ein schmeher 2c. das hab ich darzue gesetzt zu ainem trost / so sich
 ainer verweist dermassen in der chrislichen warhait. die da ist in
 den Euangelijs vñnd der appostolischen geschrichfften / durch
 vnwissenheit gleich als hiet er recht than / versunt hette / Dan ich
 wil kainem den strick der verzweiflung an hals werffen / Aber so
 sy woll wissen das die Euangelisch predig war ist / vñnd die ges-
 gen kempffer oder widerwertigen pöse ursach haben ja die Cris-
 tum hören vnd lesen / der do ist die warhait gottes selbst / Also im
 Euangelio ansprechen / also die Apposteln aus dem geist gottes
 volkumelichen zeleren / Doch dennoch von wegen ires Egeitz
 vnd geltsucht widersteen vnd wider schrien vnd plerren / als ges-
 maincklich yetz geschicht / oder zu psorgen ist es wer noch mer ge-
 schehen / Was wirt ich hie sagen lieber her doctor ? das gemüet
 hat / ein grauen auff das vrtail vnd sententz gottes / Aus welche
 mir nün die gülich genad ein verstandt in der heiligen geschriffte
 geben vnd verlihen hat / so hab ich mich albeg beflissen / die ver-
 zweiften gewissen zutrösten / welche sach mir neulich zum pöse
 sisten außgelegt angefangen ist worden / von welches wegen ich
 mich vmb so vil destweniger wirt peküern vnd beschmertzten /
 dz ich mich auch wird erfreuen vñ erkennen von deswegen mich
 Cristo schuldig zesein / Aber was (sprich ich noch) wirt ich sagē
 ich mag noch kan dē spruch gottes nit vmbkern / Es sein solche /
 für welch Johannes nit wil das man pitten soll. Jo. vltio. dan sy
 lesteren vnd schmehen die genad des heyligen geysts die den glau-
 bigen mittgetailt ist / Zu hör wir den sententz vñnd vrtail Cristi

3
wie dan anderswo davon geschriben ist aber Mar. 3. klarer vnd
offenbarer/da spricht er also/warlich sag ich euch alle sundt wer
den vergeben den menschen kindern/auch die gots lesterung da
mit sy got verlestert Wer wolt doch die wort solicher gelindig
keit mit mit frölichē hertzen aufnehmen/Aber ein greulicher spruch
folgt hernach auff die dasigen davon wir reden/Wer aber spr
cht er/den heiligen geist lestert/ & hat kein vergebung ewigklich/
sonder er ist schuldig des ewigen gericht/ vñ damit wir wissen
was dz für so ein schwere lesterung wer/von welcher vil disputirn
setzt Marcus klar genung hinzue/dan (sagt er) sy sprachen
er hat ain vnreinen geist/Cristus dem nichts verporgen ist sach
dieweil ire hertzen/Nemlich das sy wol verstanden/das die sach
durch den geist gottes gehandelt wart/vnd wie er dan selbs sagt
Lu. 11. durch den finger gottes Noch dorffen sy so vnchristlich
lestern/vnd sprachen/Er treibt die teufel auß durch den obristen
der teufel/Er hat ain vnreinen geist/das sy es verstanden hab ich
daruß hinzue gesetzt/damit ich nit in dz grülich gericht wurff/
die so noch vorgot möchten mit ainicherlay entschuldigung der
vnwissenheit ausgeret werdē/dā vor den wenschen ligt nichts
daran/Die entschuldigten aber glaub ich in & vnwissenheit od
vnuerstand gesündigt haben/welch nach dē jrsal recht geschaff
ner davon hallten/ auß disem zaichenscherz ich sy nit ganz wiß
sent in die gnad des heiligen geists gesündigt vñ gelestert haben/
das erschrockenlich gericht ist auch ausgedrückt zu den Heb. 10.
welchen spruch ich verhalten destlieber einfür/dz etlich daselbs
furchten die pues nach der tauff den sundern verlaugent vnd ver
sagt zewerden/das dan nit war vñnd wider die gantz heilig ge
schrift ist/dan & spruch laut allain auff die/so vnchristlich wid
die erkendt vnd lautter warheit lestern/vnd ist eben gleich den
worten Cristi/dan vnß die wir muetwillig sunden/nach dē wir
die erkendnus & warheit empfangen haben/ist vnß kein opffer
mer hinderstellig/sond ein erschrockenlich gewartung des gericht
Weytter/der den sun gottes mit füßen tritt/vnd das pluet des
testaments vnrein acht/in welchem er geheyligt ist vñ den geist
der gnaden schent? den wir wissen den der do sagte dein rath ist

ist mein ich wil vergelten spricht der herr/ vnd abermal der herr
 wirt sein volck richten/ Es ist erschrecklich in die hent des lebens
 tigen gottes zusallen/ vnd nachmals auch der dasig ganz psalm
 Deus laudem meam ne. O got verschweig mein lob nit 2c. Das
 gericht sagt er auff die widersechter cristi vnd der cristen/ vnd nie
 auff die rauber oder dieb/ als dan etlich auffss ergerligist yetz den
 psalm misprauchen/ Dan es wirt da die erschrecklich vermalea
 deyung denen gesagt/ die do wider sprechen/ einreden/ wid peln
 vñ schenden die warhait/ vnd die do veruolgen/ die bekennen vñ
 prediger der warhait/ Dann er spricht also O gott verschweig
 mein lob nit/ dan der sinder vnd petruglich hat sein mundt wid
 mich aufgethan/ Mit betruglicher zungen haben sy wider mich
 geredt/ vnd haben mich mit heffigen worten vmbgeben/ vñnd
 haben mir gar vmb sunst wider sochten für das/ das sy mich lie
 bten redeten sy mir nach/ aber ich pettet vnd sy setzten wid mich
 das pöß für das guet/ vnd den has für mein lieb/ Setz ein sinder
 auff in/ vnd der teüfel stee zu irer gerechten 2c. Darumb dz er mit
 hat bedacht parnhertzigkeit zu beweysen/ vnd hat veruolgt den
 Klenden vnd Armen menschen/ vñnd den berüßten im hertzen
 vmbzspringen vnd er hat lieb gehabt den fluech/ der kom im/
 vnd er wolt nit den segen/ der wert abgewent von im/ vnd er ist
 vmbgeben mit der vermaledeyung als mit gewandt 2c. Das
 gescheh inen vom herren die mein ere entziehen/ vñnd die da res
 den pöses wider mein seel/ Auff das sy wissen das solchs dein
 handt ist vnd du herr hast sy gemacht Si werden im fluchen vñ
 du wirst wolsprechen vnd die da aufsteen wider mich/ die werde
 geschent werden aber dein knecht wirt erfreut/ Die mir vbl reden
 werden mit schon angethan vñ selb mit irer schon bedeckt wer
 den/ als mit ein zwisachen klaidt/ Sichstu nu/ aus was laster
 die verfluechung gottes well in psalm pegriffen sein herkumen/
 Vñ fürwar die weil alle sunt verdamen so sy nit durch die pa
 hertzigkeit gottes mit pnes werdenn aufilgt/ oder gerainigt als
 zu dē Gallatern am 5. gesagt wirt/ die werck aber des vleisch se
 offenwar/ als da sein vñ Spruch hurerey/ vnrainigkeit/ gailhait
 abgötterey/ zauberey/ veindschafft/ haderneid/ zorn/ zancf/ zwis

B

Handwritten mark or signature.



tracht/secte/has mort/sauffen/fressen/vnd der gleichen/vnd
dieweil dā Cain erlay sein/die nit in etlichen aitwed aus schwach-
hait freuel oder ander menschlicher vrsach ausgedt oder entschul-
digt möchten werden/das oder solchs allain so es nit geschicht/
als wir gesagt haben/aus irsal so ist gantzlich teufflich/vnd ein
teufflich erfindung der Cain vrsach anders hat dan den neyde/
von dem Sapientie geschriben stet am andern capitel durch den
Neyd des pösen veindts ist der todt ein geschlichen in die ganzē
welt/aber die erfahren in di do sein vō seinem los/vñ mer am erste
capitel die/gotlosen haben dend asigen mit henden vnd worten
geuordert vnd berufft/Nemlich den todt/vnd haben den selben
für ein freunde geacht/vnd sein zergangen vnd haben ain packe
mit im gemacht/das sy seines los würdig sein/do du auch list das
die lesterung in den heyligen geist nit nach zelassen sey/Dan chr
spricht also/d heilig geist der ler wirt entfliehen den betrug vnd
gleichfnerey/vnd wirt weg genommen von den gedencfen/die do
sein on verstande/Palde darnach wirt hinzue gesetzt/vnd er wirt
verlestert von der vberfallendē vngerechtigkeit dan der selb geist
ist gelindt vnd guetig/d die weisheit wirt gehaissen oder genent
vnd er wirt den schender oder gotlesterer von seinen leffzen mit er-
lösen/dan got ist desselben merer ein zeüg/vnd des selbigen her-
zens ein warer erforscher vñ seiner zungen ein hörer/Er ist gutig
das ist/er vergibt vnd lest nach alle sundt/Dan Joannis am 20.
list du also nembt hin denn heiligenn geist/welcher sundt jr wert
nachlassen den werden sy nachgelassen/Doch aber so wirt er den
lesterer von seinen leffzen nit erlösen/Darumb was das die sune
des Cain von welchem Genesis am 4. geschriben stet/der sey-
nen priedern von Tichte andern wegen pls in den todt veruol-
get hat/dan dz er offenbar sag vñ erkennet/die gnad des heilige
geists in ime/vnd ine got ongenem/aber sich sambt seinen gaben
od schanckungen/verschmactt zusein/dan die gotlosen opffern
mit dē frumen vnd gotsförchtigē/wie dan d Cain mit dem Abel
Aber d herr sicht dieselben/noch der selben gaben nicht an/ia als
gesprochē wirt pro.21 die opffer d gotlosen sein greulich/vñ verda-
lich die do aus dē laster werdē geopffert/ia ich sprich Cain wirt dy

genad in dem prueder erkant. dan got selbs hat in durch sein stim
 ermant. damit er die angefangen ding nit volpracht oder aufris
 chtet das wir vns die weil nie verwundern sollen. so dz selb wort
 goes aus des menschen mund angezaigt oder on tag pracht. ver
 schmecht oder veracht wirt. yedoch pleißt diser blind vnd gehör
 los in dem vrtail oder sententz vñ erwürgt oder bringt vns den
 prueder der do lieb hat die gottseligkeit vñ er hett nimer sein sunt
 erkent. wen er nit von gott wer in der angst seins gemuts begriffen
 wordē. pin ich dā. spricht er. ein hueter meins prueders? da hueb
 er ann vast zusehen wo er ein war gangen. wie er aber ausgieng.
 mocht oder kundt er nit sehen. Mein vngerechtigkait ist grösser
 (sagt er) dan das ich genad erlanng dann den gotlosen wirt ge
 zaigt das gericht aber nit die gerechtigkait. die gerechtigkait sag
 ich des glaubens. die do allain gerecht macht. Si erkennen zu
 zeitten jr gotlos wesen. vnd bekennen geben sich schuldig der ver
 prechung. Aber nur wen sy in trueb sal vñ angst begriffen werde
 von welchem ob sy möchten erlost werden so sy von ganzem her
 zen vns genad peten das bedencken sy nicht vñ ob sy schon pitz
 so sehens doch nichts an dem das sy leiden. dermass kund Esau
 kain raum der pues vinden. wie wol er sy mit zehern het versue
 cht. wie es den hebre. 12. geschriben stet. dan der sunt. das er dz
 göttlich recht seiner ersten gepurt verkaufft. ist das nit gewesen
 ein pues. sonder des schaden den er war leiden das ich widerum
 sag. damit niemant den spruch in der Epistel zu denn Römern
 pösslich verstunde. dan Esau gieng ab (wie dan die historiant)
 vñ zu widerdries der Eltern hat er im genomen frembd geborne
 weiber oder aines frembdē geschlechts. vns souil wer es weit vñ
 hin das er die sunt gepuest oder in gereut het. wie er dan hinzu het
 gesetzt. Also war auch pharao geplagt. wie dann die histori in
 Buech des aufgangs oder Exodi innhelt. der da nit ain mal ges
 sagt hat. Ich hab wider den hern gesunt. pit fur mich damit die
 plag aufgehelt werd. als paldt aber die plag aufgehört hat. ist als
 Beg mer verharter vñ hertneckiger wordē. ich wil nit dz du mir
 da fur werst dz so offte gesagt wirt. ich wil dz hertz pharaōis ver
 stockē vñ verherten. So got sein hertz hat verstockt. so hat pharo

Kein schuld gehabt / Ich disputier hie nit von dem gericht oder
urtail gottes / sond ich erkü vñ erschrick darob / Kurtzlich sag ich
das / Sich das du got nit vngerechte machest / der so erschrocken-
lich hat pharaone verdambt / Das gericht gottes ist gerecht vnd
ob es dir schon nit darfür wirt gesehen / ich mag auch das sagen
Gott wais alle ding / Es sy geschehen / des halben hat er gewijst
das pharao sein künstiger wider sechter wirt / Et hat auch gewist
was er dem widparteyigen wirt entgegen schicken / Nemlich vñ
auffen greulich plagen / vnd der ganzen welt erschrockenlich / vñ
inwendig villmer (so es ainer sehen möcht) ain grausame ver-
hertung des hertzen / das sagt auch die geschriffte offenwar / **Le**
du list / ich wil das hertz pharaonis verherten zc. wirt geschriben
Exodiam 3. das got also gesprochen hab / Ich hab gewist dz
der König aus Egipten eich nit wirt lassen / das in gienngt / als
lain durch ein geweltige handt / der halben hat gott den wider-
streitenden pillich verstockt dz sag ich dieweil vñ pharaone aus
menschlichem gericht / **Aber Paulus sagt Rom. 9.** es gehör vns
nit zue / von den gerichtten gottes zu urtailn / **Aber die sunt phara-**
onis ist eigentlich ain sunt in den heiligen geist gewesen / dauon
wir reden / die zaichen gottes hat er erslich denn zauber künsten
zugeschriben / wiewol die selben kunster oder weysen / sagten vor
im es wer der finger gottes / **O mensch ich pitt dich wer pistu / ist**
der nit würdig paider liecht peraubt zu werden / in hellem lieche-
nit hat wellen sehen / oder nit gesehen hab gesagt hat / Also gesch-
icht denen so die hell vnd offen warhait gottes verkeren / zurlugen
die gott dahin gibt in verkeren sin wie du dan list **Ro. 1** Also er-
kanten die juden am ersten Cristum aus dem gotlichen worten
vnd wercken / dan jr fürst **Nicodemus** sagt Also **Jo. 3** **Maister**
wir wissen das du ein lerer pist vnd von got komen / Niemandt
mag die zeichē thon die du thuest / nur allain got sey mit im / aber
die da gestrafft warden / vñ irem Ergeiz-geittigkeit aber glauße
verführung des volcks vnd von den menschlichen gesezen / wie dā
die **Euangelia** bezeugen / das iengen sy in an zu hassen / vnd sein
verplendt worden vñ machten cristo nachmals nichts mer vber-
sehen / **Mich secht da niemāt in den worten / ich disputier nit / ich**

red von den gerichtten gottes Joannis am 12. wiewol (sagt ehr) solche zaichen thet vor in so glaubten sy doch mit an in / auff das erfület wurd der spruch Esaie am 53. den er sagt herr wer glaube vnsern predigen? vñ wem ist der arm des herrn offenbart? daru kundten sy nit glauben. Dan Esaias sagt abermals er hat ire augen verplent vnd jr hertz verstockt das sy mit den augen nit sehe noch mit dem hertzen vernemen vnd sich bekern vnd ich sy selig machte solchs redet Esaias do er sein herligkeit sahe vñ redet von im die do vil redē vñ kriegen vñ ihu mügen / dz ich also redē die straffen die dasigen gericht gottes. Ja wol sehen sy mer auff was sy vermügen / Aus denen magstu auch / sey im wie im well wol versteen warumb der herr mil vnd parmherzig sey / der do alle ding gibt denen so in von ganzem hertzen anruffen vnd nit den verspotern die dz gehet aus im treiben / die sich versunden vñ gedencken wem sy es peichten so sen sy schon nachgelassen vñ vergeben / vñ es lig nichts dran wem sy sich schon wider in den selbe sünden verirrainen oder wider darin verwickeln wem sy es nit widerumb peichten gleich als sey es ain Regl oder aufsetzung ains vmbes ander also zu sünden vnd zu beichten das ist wie sy es tuen sich der sünd berümen vnd geüden / ich sag von den gspöttigern vnd nit von den schwachen vñnd sundern / welche cristus williglich gern auffnimbt / das sy albeg jr armseligkeit vñ erparnung erkennen / dan sy empfinden sich albeg mit sünden beschwert vñ beladen sein / deshalben sag ich der do alle sünd vergibt vnd das allain vnnachleslich Acht vnd schetz dann sy mügen nit zu der waren widerkerung vñ pues kern oder kornen / welche ir pohait hat verplent / wie den Sapien. 2. gesagt wirt / daselbs lis dz ganz capitel auff das du verstest von welchen verplenten gerett wirt / Also spricht er auch in d Epist. ad Heb. 6. Es ist vnmüglich dz die so ein mal erleicht sein vñ geschmeckt haben die himlischen gab vñnd tailhafftig sein des heiligen geistes / vñnd geschmeckt haben das guetig wort gottes / vnd die krafft der zuetünftigen welt / wo sy entfallen das sy solten widerumb erneuert werden / zu der pues die da widerumb in selbs den sünd gottes kreuzigen vñ für ein gespöt haben / dan die erdt 2c. wem vns solche aus

B iij

der geschriffte werden fur geworffen was wer wir sagen / wer wirt
sagen / wer wir die pues den sundigen cristen abschlahen als vor
zeiten etlich ketzer: das sey weit sonder die Epistil schlecht ab die
pues / vnd verlaugents aber denen so aus der erleuchtung inn die
plindtheit gefallen sein / von dem geschmach der himlisch
en gaben zu dem gerauch der fleischlichen weisheit von der tail-
haffigkeit des heiligenn geists / zu der gesellschaft des vnreinen
geists: das ist kurzlich denen / welche noch der erckenten warheit
von der selben durch vnglauben fallen / vñ verlestern oder verach-
ten die selbig / darumb das sy sein gestraucht oder g. fallen / ver-
ste nit von den geuallen in hurerey / oder todtschleg / zc. Damit hat
huld erlangt / die hurn vñ offenwaru sonder hat got auffgnomē /
vnd der bei den Corintiern sein stiftmueter zu ein weib het genō-
men dem hat der Apostil vbersehen vnd absoluit vñnd die ganz
heilig geschriffte lobt vñ beuilcht den armeligen sundern die suess-
heit der götlichen parmherzigkeit sonder verste (das dan der
text selbs auch ausweist von dem gefallen von der erleuchtung
des götlichen worts das sy haben verstanden dan das ist cristum
mit den schachern am creutz scherzen vñ fur ain gespöt haben / dz
er an ainem andern endt sagt den sun gottes mitt fussen tretten
vñ sein pluet für vnrein achten vñ dē geist der genaden schenden
wen du dich aber versundigst mit wie ainer schwern sunt es sey
wie wol dir dasselb auffs höchst zu fliehen ist furwar du hebst an
vondem glauben ab zu fallen vñ du betrubst (dz in dir ist den hey-
ligen geist / es sey den sach das du widerkerst vnd pues thuest / dan
Paulus sagt also Ephe. 4. Betruebt nit den heiligen geist gottes
damit jr versigle seit / auff denn tag der erlösung Alle pittrigkeit
vnd grein vnd zorn vnd geschray / vñnd lesterung sey verre von
euch sambt aller pohait yedoch seit ir noch nit gantzlich aus der
genad die ir habt inn der tauß empfangen ausgefallen / wenn du
aber dē glauben aus deinem hertzen geworffen vnd die warheit
gotts die du waist vñ erkentst / anhebst in deinen pruedern zu has-
sen / zulestern vnd zueruolgen / verpistu gantzlich schon ausgefal-
len / vnd der selben sunt dauon caistus redt / vnd der vorgemelten
geschriffte schon schuldig worden / vñ ietz gleicherweis verdambt

sein / sy mügen aber widerkern / sonder du verlestert den geist der
 genaden vnd triffst den sun gottes mit fussen / vnnnd kreuzigst in
 mit den gespöttigen juden vnnnd hast in fur ain gespöt / vnnnd du
 magst nit widerkern oder pues thun / D3 ist erschrockenlich wels
 cher sundt ich kainen darff schuldig machen / Aber furwar solch
 frucht sehen wir in etlichen / in denn wolffen aber mer als in den
 schoffen / die irrende schaff legt cristus auff sein schultern (in wel
 chem du sichst das nichts ist vmb die menschlich genugthuening
 Aber du möchst scherzen der dasig hirt laß auch die wolff in den
 stal von welchem liß prouer. 1. darumb das sy haben veracht vñ
 vbel geret aller meiner straff / so werden sy essen die frucht ires we
 gs vnd werden irer rett erfult vnd ersetigt werden vnd so sich dz
 exempel hieher reimbt / so wirt gelesen das cristus auch die plint
 ten erleucht hab / zwier aber ainen erleucht haben wirt nit gelesen
 Die schwachen sunder als wir dan all sein / wie wol sy offte fallen
 vnnnd belaidigen yedoch so sehen sy alweg denn selben iren fall
 belaidigung vnd erkennen vor got den fal irer schwachait vnnnd
 vnd pegern genad die dan alweg durch die genad des erleuchte
 ten geists sehen / wo widerumb außzutreten ist / das du dann also
 list prouer. 24. prauch nicht arglist vnnnd suech nit gotlos wesen
 in dem haus der gerechten / vnd zerstör oder zerut sein rue nit / der
 gerecht felt sibem mal im tag vñ stet wider auff / die gotlosen aber
 die gē zuhauffen in dem pösen / widerumb daselbs prouer. 12. w3
 dem gerechten zufelt oder zukumbt wirt in nit betruiben / Aber
 die vngotssorchtigen werden erfult mit pösen daruber aus oban
 gezaigten exempel / ist iudas hinzue gangen der da newlich Je
 er den seligmacher het verratten / ist ein teuffel gehaissen worden
 wie dan gelesen wirt Jo. 6. do er sein sunt nu het peicht erhing er
 sich darauff / Saul vō got d erst künigin israel erwelet / wisse wir
 dz er verfert ist wordē dz er den heiligē junling danit von wegen
 derwelung gottes veruolget / dz er zu dē aberglawben d zauber
 küst die er verpot vmbfiel vñ dz er im zu letst in d größte verzweif
 lung hant hies anlegen in vmb zupringē / ich mache auch andere
 exēpl hie anzaigē / aber die dasigē so wir gesage habē sein klarer zu
 der erkentnis / vnnnd was es fur ain sunt sey in denn heiligen geist

vnd das es gantzlich ain sunt sey der gotlosen die yetz schon verdambt sein. Aber nach dem gericht gottes so gar verporgen/das wir niemant der selben schuldig zu sein anz aigen möchten. Allein die so wir schon in d geschriffte verurteilt sein lesen. Welchen dan ganz Endlich vnd gleich sein. die dasigen so do yetz widersechter vnd widerwertig sein der Euāgelischen warhait. Aber wie wissenlich sy das thun schawen sy daruß auff. Cristus vrtailt sy. Darumb widerhollente ader Aferent nach dem sinn des Euāgelij sagen wir. dz ain sundt in den heiligen geist sey. die Cristus haist vnnachleslich nemlich. Offenbarlich vnd wissenlich der warheit gottes cristi vnd des behalters zuwiderstreitten vnd zu widersechten vnd den prediger oder bekemmer d warhait zu hasen vnd zu vor folgen. von nichte anders dann von der bekenten warhait wegen. Es sein ettlich gewesen vnd darunder Augustinus die auch mit andern nomen die sundt in den heiligen geist haben genent. So du es aber vleissiger pesichst/so werns alle inn disem begriffen. So du ettliche vndest beyden Auslegern die nit begriffen werden vnder den dy wir gesagt haben. dieselben werden gantzlich fur sunt in dē heiligen geist nach dem syn des Euāgelij nit gehalten. damit niemandt gsche oder widerfar als mir da ich noch jüngling was vnd peichten lern. wie dan dem gemain volck bösslich geschith aus dē peichtpuecheln. (Wolt got es würden solche puechel die so frembd vnd weit sein von der cristliche warhait auß gedigt.) ja ich habß gelernt wie dz vil sunt sein wann in den heiligen geist vntter welchen ich als dan die gemainen sunt ertzelt. Die hirtten thun ser nerisch so die iren vnterweisen vnd leren dz sy peichten. ey ich habß gesunt die dasigen sunt die da eintringen wider den heiligen geist. dā so sy zu zeitten die selben sunt bedencken wie sy nit nachgelassen oder vergeben werdē vnd das aus dem mund cristi also horn gesagt oder ausgesprochen werden. was mainstu das ettlich inen werden gedencen. dz ist nit ein sunt des irsal oder der schwachheit oder zum letzten ausbenen welcherley es wol sein die aus menschlicher begird beschehen. Vnd wie wol es ain schwere gotslesterung ist vñ ein grosse vnd greüliche sunt vnd allen cristen auffß hochst zu fliehen aber

es ist ain sunt ainer verzweiffen poßhait wider das gewissen wis
sentlich wider die warhait gottes vñ den mēschen wider die off
enbar guethat die do verkunt der heilig geist / die lesterung in dē
watern vnd den sun mag aus irsal vnd vnwissenhait beschehen
Al so ainer mit vntreulichen mund was der götlichen maiestat
entzeugt welche wiewol sy in dē peschaffen dingen wirt gesehen
wie dan gesagt wirt Ro.1. yedoch ist es in jm vnpegreufflich / der
selb wirt betrogen mit ainem irsal wie wol mit ainem gotlosen /
vnd so ainer letert den sun der fur vns mensch ist worden / & wirt
villeicht aus der ergermus des angenommen fleisch betrogen als du
dan list 1. Cor.1 So du aber die offenbar warhait hōrest vō dem
heyligen geist in cristo / in den propheten vñ appostoln vnd sichst
in deinen bruedern / lauttere vnd klare warhart die allain d̄ geist
gottes in in mag wurcken / Nemlich als di guetler / die lieb die
forcht gottes / die freud des geistes geduld messigkeit glauben
vnd anders das dan frucht des geists sein / vnd du hebst an in zu
hassen / deshalben das er die warhait ret / dā er ist frumb vñ gut /
vñ dir vngleich vnd du darfst sagen Es ist erlogen es ist nit war
alles das so er thuet ist ein thorhait / ist dann das mit ein lesterung
des heiligen geist gottes den du ainen lügner haist den du ein nar
ren haist / wen du also verharst in den selben Auch du widerstest
veruolgst vnd thuest eintrāg mit dē selben has oder neid d̄ war
hait vñ den götlichen wesen / also dz du aintweder mit dem wort
versagst den menschen / oder mit dem werck / so er villeicht aus
schwachait felt / Dan d̄ mensch wiewol er auch heilig ist dennoch
ist er nur ein mensch / vnd der engel von himel wirt dirs nit ver
kunden oder sagen O mensch wer pistu es hie / da ist d̄ vnauflös
lich strick See bey zeitten heraus / dan ich mag sehen wen du in
strick ghest wen du aber vollkumen gefangen pist so mag ich dich
nit sehen / das ist das wir gesagt haben das dz gericht gottes ver
porgen ist Es gilt auch die vermaint vnd erdacht glos nit / die do
sagen vnd nemens darumb ein vnwiderrüefflich oder vnnachs
leslich sundt das sy kaum vñnd schwer nachleslich sey / Also ver
spotten sie die allerheiligisten wort cristi Spricht er dan nit off
enbar genueg Mat.12. darumb sag ich euch alle sunt vñ lesterung

C

751
wirt denn menschen vergeben aber die lesterung wider den geist
wirt nit vergeben vnd wer etwas redt wider des menschen sun
dem wirt vergeben aber wer etwas redt wider den heiligen geist
dem wirts nit vergeben weder in diser noch in ihener welt vnd in
Matco sy wirt im nit vergeben in ewigkeit / Es ist auch alhie mit
hinzue zusetzen Er thue dan pues ja dan durch die pues werden
alle andere sundt vnd gotlesterung / auß getilgt vnd weg genom
men / Das aber nicht / Als dan der hailmacher lautter vnd klar
auspricht vnd genuessam auff der geschriffte exempel haben an
gezeigt in welchem menschen wir das graussam vnd erschreck
lich gericht sehen erfult zu sein / Mit das ich scherzet / alda die das
sig Euangelisch schwach pues (vnd schon mit die Euserlich die
sy yetz erdichten) verhanden wer sonder nimmer mer verhanden
sein wirt vñ dā nenens etlich ain unpues etlich ain ungleiblich
hait dan es wirt kein nachlassung od vergabung der sunt gelau
bt / ander haissens anders / da mues ich sagen das neulich ain ge
lerter man mich zueuersuechen anfieng zuzwingen vñ zuuerfas
hen / der sprach also / was wolst darzue thun / so ainer zu dir kum
der mit solcher sunt beladen wer vnd begeret absolution daruber
oder vergabung / woltest ims darumb verlaugē oder versagen vñ
des vrtails vñ sentenz Christi wegen / Da gab ich ime zuant
wort / Nain ich versaget imbs nit / Aber aintwed er pit od begerts
allein mit wortten / so halle ich er betrug sich selbst vñ nit mich
vñ verspot also gott / aber er begerts von hertzen so hab ich ain
zaichen / das er nit gantzlich ist eingefallen in dz vrtail Christi wie
wol er sich furcht ers ey darein gefallen / solchs furchten ist noch ein
zaichen des hails vñ ein gab got des heiligen geists / damit
das so wir von der sundt geschriben habenn niemand zu ainem
strick wert / So sag ichs mit menschlichem rat vñ dennoch nit
on bewerung vñ exempln welcher da wais vñ verstet dz er ein
hasser der götlichen warhait ist vñ ein vernolger der selben vñ
wie schwer er wol gewesen ist aber durch irsal versurt / Alls dann
Paulus was / der selbst danck / lob / preis vñ Eret got / das ers nit
wissent hat gethan / vñ das er yetz erleucht ist vñ erkent den
irthumb / welcher aber sich also ein schuldiger vñ lesterer gewes

fen sein erkent/ dz er nichts vor got fur wais zu halten oder sich
 wais wissentlich vn̄ muertwillig die guethat vnd wolthat gottes
 veruolgt vnd verlaugent/ vnd wen er das bekent vn̄ beschmerzt
 vnd ruffte got vmb genad vnd huld an/ der selb verz weyfele nie
 Dan wo genzlig in das vrtail vnd gericht wer geuallen/ er erken-
 nets nit v̄nd pet noch begeret weder v̄nd huld oder genad/ nit
 annderst oder mer dan der teufel vnd der Fürst der welt/ der yetz
 schon verurteilt ist/ Christus hat inn den selben menschen noch
 erkent v̄nd gewist damit ehr die gros sunde vor dem vatter
 wert bedecken wie wol es der mensch selbs nit erkent oder ways
 vnd das acht ich auch ein zaichen oder anzaigen des hails das d̄
 mensch nit v̄ndt in jme/ damit er sich solches gottlosen wesens
 entschuldiget oder aufredet/ Die aber in dem verkerten sinn/
 sein dahin geben/ die suechen alweg im hertzen wort der p̄phait
 sich aufzureden v̄nd zu entschuldigen von dem gottlosen wesen/
 vnd Alhiesey Petrus zu ainem exempl gesetzt/ der do nichts hat
 gehabt das er hiet furzaigen oder furhalten mügen seiner lester-
 rung/ die dan hiet mügen nach menschlichem gericht od̄ dunckē
 fur ein sunt in den heiligenn geist geacht werden/ Aber Christus
 ein erkener der verporgen ding vrtailt oder richt annderst/ Das
 Petrus so pald hat genad erlangt gehabt gibt mir anzaigen das
 er nit in das gericht vnd vrtail dauon wir nur vil gehandelt habē
 gefallen gewesen sey/ Also auch richt ich von denen/ die nach
 d̄ selbē lesterung fur aine in dē heiligē geist mag gehalten werdē aus
 od̄ durch das gericht desselben sunden v̄nd ganzem hertzen mü-
 gē sy huld vn̄ genad erlangen vn̄ erpittē Lieber her Doctor nach
 dem ich begeret dir zue zeschreiben pin ich solchs mer eingefallen/
 dan ichs gesuecht hab/ welches mich yedoch aber nit gereut von
 beswegen dz ich wais dz ir vil in dem hangē/ ich schreib hernach
 andere/ wen ich nur mit disem die form̄ weis od̄ maß des Epistel
 od̄ sendtprieff nit v̄bertritte hiet Bit die weil Christū fur mich vn̄
 sey dw got beuolhen/ Datum wittenberg 1524.

Von Lesung der Psalmen.

Erwürdiger mā Fürnemer vn̄ wolgeachrer Doctor ich wais nit
 aus w̄z ursach ich v̄nd sunt in dē heiligē geist geschriben hab got

was Aber was ich yetzundt sagen wir/da hastu mich zueprache
Du hast mir Kunst vnd widerumb vnd als ich mich lass duncke
wol zum dickern mall geschriben vnd begert/dz ich dir mitaile
vnd anzaiget / was zu denn psalmen Daudis gehört/Lieber
her doctor dauon soll ich was von dir hörn/aber am meisten vñ
zwei vrsachen wegen verharre ich nit anzuzeigen vnd auff zu
sprechen was ich dauon halt/Am ersten dan du wilt es also zu
ändern dan du wilt nit gelerte ding/Anders? eruorschest oder er
suechest die es von gelerten der dan ein grosse schar ist zu Wittens
Berg/Darumb vernimb vier ding.

Zum Ersten Augustinus hat in der vorred in die psalm/wz
da dapffer vñ fürnē ist den psalmē zuegemessen/vñ gebē/vñ ich
was nichts das er nit denselben zuegeigent hiet vñ wie wol ers
warhafft gibt so seins doch die weil nür lautere wort/Niemand
lernt den nutz der psalm nür auß erfahrung/zu welchem nach der
auffatzung die mümler vnd wischpler der psalm/nimernier kom
men/der glaub als er ist die gruntfest/des hails/vnd ia das hail
selbs/Also ist er auch in den verstandt der psalmen vnd darzue
der ganzen heiligen geschriffte/anfang wie wir dan singen/die
warhait ist ain anfang oder haubt deiner wort/vnd alle gerichte
deiner gerechtigkeit sein in Ewigkeit/den dasigē glauben bring
mit dir auff das du alle ding vngeweyselt glaubst so pistu wie
genug komen/dan es wirt sich begeben dz du aus dem geist gots
tes/der da selbs redt das du betruest in deiner gewissen von den
sunden/von den erschrecken des todts von dem gericht gottes/
damit ich die weil die schlechtern/die sich in den dingē als vom
lob vnd lieb begeben geschweig/ia ich sprich/Es wirt sich schick
en dz du nimer nit von ein psalm sey wz er welfür ainer/an den
trost des geists/wirst abtreten oder dauon gen/der gleichen wirt
es werden so deinn gemuet auff nachlässiger forcht gottes/wider
wertig ist/das du durch den psalm Ermantten dich zu der pue
widerkern vnd got fürchten wirst/Es ist nichts heilig das nit in
den psalmen wirt gelernt/dan sy singen die heiligen haimlichais
ten cristi die menschwerdung/den todt die erklerung oder glorif
ficierung aus welchem wē du sy nit schlecht verstest/witt d glaub

gegrunt vnd gestreckt / der glaub bringet her fur die lieb / derselb
 veraint vns got das wir mit im sein ains geists / vnd veraint vns
 mit cristo / das wir sein ains fleisch / der dasig aber gefelt vns al-
 so mit vnsern nechsten das wir sein ains des andern gelider / also
 die weil dan der glaub vnser hail ist vnd vber oder ann den selben
 nichts in den psalmen gelernt wirt nemlich durch den geist so er
 inen in die hertzen wirt gegossen / hat er in die krafft der genaden
 aufgesprochen von notten mussens all in den psalmen sein / der
 psalm widerficht nichts so vast alls die vnutzen / das ist die vnna-
 heiligen ler / Dan er spricht also / lern mich volbringen deinen wil-
 len lern mich dein rechtuertigung zc. Also bat der prophet d des
 heiligen geists vol was / damit wir vns zu letzt schamen / welche
 do mainen was das hail petrifft kinnen wir auf der massen wol
 weil wir dennoch weit des wegs selen von der ler die nit gottes ist
 Sagt er also die schalckhaftigen haben mir vor gesagt fabeln
 oder merlen vnd nit alls dein gesetz sy haben geirrt vñ der geburs
 her sy haben falsche ding gesagt / das wuetten ist inen nach der
 gleichnus / der schlangen zc. Es sein falsch zeugen wider mich
 auffgestanden vnd die schalckhait hat ir selbs gelogen das sein
 ware vnfreund oder veindt / wider welche christus in den psalm
 klagt / vnd mit im der christen mensch / die andern aber verlieren
 allain die lieb / wie dann dz Euangelium lautt die dasigen vera-
 suechen auch die gewissen zuerpintn.

Zum andern in den prophten vber / das / das die prophten
 ain weil in aigner person / ain weil in der person aid weder d gotlo-
 sen / oder frumen reden zuweilen wirt auch die person gottes vata-
 ters eingefurt die do redt Als Esai. 53. vñ wegen des lasters mei-
 nes volcks hab ich in geschlagen / zuzeit die person des sons / als
 Esai. 6. der geist des herren kum vber mich darumb das er mich
 hat gesalbt / das da offenwar / ist aus dem vritten capi. Luce Also
 redt auch ye Christus in den psalmen Alls mein got mein got wa-
 rum hastu mich verlassen / Si haben vnder sich getailt meine
 klaiden Si haben mein heile vnd fues durch graben / vñ gezelt alle
 mein gepain / zuzeiten red auch der vatter alls / du pist mein sun
 heut hab ich dich geporn / vnd ich zu wirt in zu ainem erst geporn

den seggen 2c. Ps. 109. der herr sprach zu meinem herten sit zu
meiner rechten 2c. Aber der prophet redt offter oder aber der geist
in dem propheten. Ain weil in der person eins betriben vñ seu-
ffzende sunders ain weil in ainer person ains gefreiten ains frwo-
enden vñnd lebenden/ ein weil in der person aines propheten/
die tröstüg gotes fürhaltēdt welche alle leicht magst vñerschaidē
wo damit von im redt/ 2. Re: 23. der man hat gesagt welchem
pevolhen ist von Christo des gots Jacob ein fürnemer Psalmist
in israel/ der geist des hern hat durch mich geret / vñd sein redt ist
durch mein zungē/ yetz aber magstu nie zweifeln dz vil psalm sein
von Christo so du das new testament auspletst petrus der zeuge
herfür zeugnus / aus dem 15. vñd 109. psalm Act. 2 vñnd der
hailmacher Math. 22. damit ich nur der andern schweig/ die du
allenthalben vindest. Solche sag ich damit wir vns nit kern/ zu
den spotlichen fabeln der juden/ du wirst die psalm wol versten so
du anderst/ die Euangelisten vñd Apposteln verster/ davon Chri-
stus Luce. 24. sagt Es ist von nōtten das alle ding erfult werden
die do geschriben sein im gesez Mosei in dem proueten vñd in den
psalmen von mir / Christus wirt vil vō dauid gesungen dz dauid
nach dem er ein prophet war in erkennet ausgeent od offenwarēt
von der frucht seines leibs / vñd auff seinen künigstul vñnd reich
sitzende / zu kressen vñ bestaten / dasselb nit aus weltlicher macht
Sonder auf dem gericht vñd gerechtigkeit in Ewigkeit wie dā
gesagt wirt Esai. 3. dēshalben Christus in den propheten nit al-
lein ain sun des dauids sonder auch dauid wirt genent wie dan d
88. psalm vñd Oseas 3. anzaigen.

Zum dritten / die wort Christi sein auch dein / das dan Luce
klerer anzaigt ist so er von den sunder ret / Dann mit Christo sein
wir verfluechtelig Erstgeborne / kōnig / vñd psaffen / Apoca. 1.
vñd 5. vñd Sun Gottes Jo. 1. vñ ja gottes die wir werden regier-
ren zu der gerechten gottes zum / ersten so gehōrt zu dir sein veruol-
gung vñd leiden / Aber vñnmüglich ist es oder die herligkeit oder
glorificierung mues hernach volgen als dan gesagt wirt Rom. 8
Also spricht Christus Jo. 15. Die weil sy mich veruolgt haben /
so werden sy auch euch veruolgen / so sy mein red haben behalten

so werden sy auch die ewer behalten dethalben auch Mat. 25. waz
 jr den wenigsten aus dem meinen habt gethan / das habe ir mir
 selbs gethan / dermas schreit er auch von himel Saule saule was
 veruolgst du mich? weilich Christus in christo pin warumb solt
 ich mich nit geprauchten der wort Christi in den psalmen. Ssterb
 oder verderb ich so dir got wirt ettwas versagen mügen wenn du
 mit Christo vnd mit den wortten christi zu im hin zue triest / vnd
 das du darffst sprechen Schau in das angesicht deines Christi
 Die histori oder geschichte des alten volcks die in den psalmen offt
 entgegen kumbt / Siech das dusy gantzlich (laut des paulini)
 von deinen wegen peschriben sein vernembst vnd verstest / Nach
 mals so ainicherlay wort / der vollkumen heiligkeit sich wirt befin
 den / Als dan das ist / von ganzem meinem hertzen hab ich dich
 gesuecht / Ich bin von deinen gerichtten nit abgewichen 2c. schau
 das dues nit sagst vnd nit verwandelst / dan es ist ain wort des
 geists / sonder peschmerz dich die weil souer von dem geist abzus
 sein das du solchs aus ganzem gemuet oder von hertzen nit spres
 chen magst / vnnnd erkennst dennocht das du es got schuldig seist /
 vnd darumb des verdannus dich schuldig zusein / Nur allain d
 glauben in Christum vñ dz vertrauen entpint oder entlöset alle
 ding / vnd wirt vns zu der gerechtigkeit zuegemessen.

Zum vierten so wirt in den propheten der person oder zal der
 lateinischen kunst zureden vnd zuschreiben offt ein verwandlüg
 Alls das hail ist des hern / vnd vber dein volck dein geweinedey
 ung Erlös mich her von ainem pösen menschen / von ein schals
 chafftigen man erlös mich / die do habenn gedacht 2c. vnnnd so
 etwas anders ist / der selb verss damit wir die psalmen ziehen zu
 den Christlichen ainmüetigen ja der geist gottes selbs wirts leren
 welcher / wie dan im puech Apocalipsis wirt gesagt / dan er hat
 die schlüß dauides thuet zue vnd niemant thuet auffchr thuet
 auff vnd niemant thuet zue.

Das wort gottes bleibt Ewig. **A M E N**




Faint, illegible text, likely bleed-through from the reverse side of the page. The text is arranged in approximately 20 horizontal lines.




7
Vg 3087

(X221 2678)

Rome
53





ZVAS VND ZVE
liches die sunt sey in de
 heyligen geist davon Sanct Ma:
 theus am. 12. cap: redt die nit
 vergebenn wirt Joannis
 Peügnhagn Pfarers
 zw Wittenberg

Auch wie man die psalmen lesen soll
 vnd mues ein vnderrichtung/
 Verbum domini manet Ineternum.
DI D. XXiiij.

